

輪

輿

私

箋

輪輿私箋卷第二

遵義 鄭珍 子尹撰

輿人爲車輪崇車廣衡長參如一謂之參稱

注稱猶等也車輿也衡亦長容兩服

參分車廣去一以爲隧

注兵車之隧四尺四寸鄭司農云隧謂車輿深也讀如鑽燧改火之燧元謂讀如邃宇之邃

經注並於車之長無文本疏云隧謂車輿之縱凡人所乘車皆取橫闊以或三乘或四乘故橫則六尺六寸又春官巾車疏云兵車乘車橫廣前後短大車柏

車羊車皆方孔氏詩小戎疏云兵車當輿之內前軫至後軫深四尺四寸大車深八尺兵車之軫較大車爲淺故謂之淺軫知賈孔諸儒並以隧深爲卽車之長也然車箱之下不能適齊軫邊是箱外猶有餘度四尺四寸不能盡之江氏永謂古制蓋用雌雄筍相著如造方箱之法其意殆特欲使箱齊軫邊以適合四尺四寸之數設法可云至矣余竊以爲方箱及斗升等爲物常靜雌雄筍自然堅著車箱是搖動之物人又須踐履其上伏兔所不及承者兩邊各七八寸兩頭一尺有餘其非雌雄筍所能勝理勢易見江說

善補疏義而實不能行也近時姚氏鼐乃云記曰軫之方也以象地也蓋軫方六尺六寸曰三分車廣去其一爲隧蓋以二尺二寸爲輿後其前廣如軾而深四尺四寸設立木焉是爲收毛公曰收軾也謂輿深四尺四寸收於軾非謂軾名收此說名爲依經實與經背經於參稱者止舉車廣其車長之不與輪崇衡長如一已見若是正方輿深卽在長上但云三分車長去一以爲隧卽車長輿深並顯何以反取數於廣乎等方不等方要得爲方豈象地定須等方乎毛公以軾訓收明是謂收卽軾如云收是收短於軾必當

增毛傳云收收軫也而可乎段氏因之又增出車後亦有植者橫者以接於軻或其制庫於式之說益非今詳推車度其廣六尺六寸其長輿深四尺四寸後軫廣四寸一分前軌之外廣四寸六分通長五尺二寸七分

參分其隧一在前二在後以揉其式

注兵車之式深尺四寸三分寸之二

以其廣之半爲之式崇

注兵車之式高三尺三寸

以其隧之半爲之較崇

注較兩轡上出式者兵車自較而下凡五尺五寸

式較之制自皇甫侃熊安生諸儒誤解唐孔氏沿其
謬其曲禮尸必式䟽云古者車箱長四尺四寸而三
分前一後二橫一木下去車床三尺三寸謂之爲式
又於式上二尺二寸橫一木謂之爲較去車床凡五
尺五寸於時立乘如平常則憑較若應爲敬則落手
隱下式而頭得俯仰此說背經違注貽誤千年至江
氏永糾正之乃復見古制其說云式有通指其地者
經云三分隧一在前二在後以揉其式注云式深尺
四寸三分寸之二是也有切指其木者經云式圍是

也崇三尺三寸亦並式深處言之故式木不止橫在車前有曲而在兩旁左人可憑左手右人可憑右手者皆通謂之式人立車前三分隧之一皆式之地也揉其式者蓋揉兩曲木自兩旁合於前不欲令折處有稜角觸礙人手如今人作椅子扶手亦揉曲木也其兩端與兩轆之植軼相接軍中望遠亦可一足履前式一足履旁式左氏傳登軾而望是也其制如後世紗帽形前低後高式崇三尺三寸不及人之半腰故御者可執轡射者可引弓而憑式須小俛也如孔氏說試思較若在橫木上則人憑軾首觸較矣較崇

五尺五寸及人之胸射者亦不便於引弓橫木在較下必以筭貫入轡木而轡圍甚小如何能貫式木又如何能登軾式在前陰板之內則車外不見式記如何云苟有車必見其式式上有皮覆之爲臂若在板內如何能覆事事推之皆不合此說謹守經注曲暢旁通最爲精確後有好議者莫之能易矣

按說文騎車旁也則騎止是車兩旁之稱注云兩騎猶兩旁也上出式者謂兩旁之上高出於式之平木此平木爲較猶較前平木爲式式崇較崇並是平木距箱底之高非指豎木承式較者豎木不得有此高

也本疏以較謂車箱兩旁豎者矢之江氏永謂騎是兩旁三分隧之二者是也其云騎止是板則非詳康成注考工及他經並不見車兩旁有板處謂旁是板自賈疏其見已然

六分其廣以一爲之軫圍

注軾輿後橫者也兵車之軾圍尺一寸

康成注加軾輿云軾輿也是非不以軾爲四方庇軾軾閒爲兩旁矣而前注車軾四尺云軾車後橫木別有說此又云然者以此經軾圍獨爲輿後橫木之數也知獨爲輿後橫木之數者以左右前三面材之圍

在下輶人也四方皆軫其圍宜同而後獨異者以輿後止人所登下非若三面範輿任正之外又須於上置闌故其圍狹於三面也四方圍數雖異同連輿底自歸輿人爲之而任正圍不與軫圍同見輿人乃見之輶人者以軫圍出數於車廣任正圍出數於輶長也軾圍一尺一寸兩邊厚一寸四分兩面廣四寸一分長六尺六寸向前一邊中爲槽深七分以受底板兩端爲中筍貫左右任木之鑿達於外自面槩之以輶踵承其下當軾中爲圓孔連踵通之上大下小合時以一圓木旋轉關之令上與軾面平復以橫槩鍵

其下若解輿則向上旋轉脫之輈與輿固合而不稍
移掉傾脫者鉤心之後全賴此晉語咎犯曰臣從君
還軫巡於天下還卽旋也旋軫謂此也軫之名轉琴
柱之名軫皆由斯義輿上諸材惟軫之四面非正方
後人皆以正方筭之又不知軫與任正異圍之所以
然經注大旨全失至輈輿固合之故唐以前已無言
者阮氏元求其說不得因於輈後端設橫木受踵用
承輿後軫底以當任正謂漢以前任正因近軫而冒
軫之名漢以後歸軫於輿而失任正之木捨經傳憑
胸臆要無當矣

參分軫圍去一以爲式圍

注兵車之式圍七寸三分寸之一

參分式圍去一以爲較圍

注兵車之較圍四寸九分寸之八

式木正圍徑二寸四分四釐強揉一木爲之則善且堅慎修說揉兩木自旁交於前計長八尺餘一木揉之非難似無須兩木也其兩端入較柱其下正中爲鑿以受植軻之柄當折向兩旁處宜各有柱承之前之橫自軌以內長五尺有奇爲通軻不固也宜中介一柱或兩柱分其軻爲兩大格或三大格柱皆正方

大如式之圍差互爲鑿視榫半厚以受其柄較木亦正圓徑一寸六分二釐強兩端揉曲向下以與柱銜接前後柱四正方大如上木之圍而鉋其前柱自式以上之外廉以揉式推之知不欲觸礙人手同也其受橫植軼及橫榫之鑿各視其半厚爲之較之長自柱以內僅二尺六寸零八釐強而高五尺三寸三分強爲通輻亦不固前後柱上於軌三尺當加一橫方梁大如柱上下差互爲鑿以受植軼如此則植軼不至太長勢危又與較木相配令柱上下牽倚得力又令外闌橫間之木有所交附否卽內焉立寬長之窗

外焉附長狹之闌皆机榘不可終日矣式較大小所以異者人立常當式之地式之爲人憑任也比式爲勞故其圍差大

參分較圍去一以爲軹圍

注兵車之軹圍三寸二十七分寸之七軹騎之植者橫者也與轂末同名

參分軹圍去一以爲鞬圍

注兵車之鞬圍二寸八十一分寸之十四鞬式之植者橫者也鄭司農云鞬讀如繫綴之綴謂車輿軫立者也立者爲鞬橫者爲軹書鞬或作軫元謂鞬者以其鄉人

名

軹𨔵凡兩端皆爲偏筭各縱橫相貫如窗櫺然故謂之軹陽虎載蔥靈寢其中而逃蔥靈卽窗櫺之借以是棧車無革輓故稱蔥靈虎蓋託士車使人不覺也先鄭以軹之立者爲𨔵橫者爲軹按軹圍大𨔵圍小以二木相交犯大倚小之病經文大小無并正爲設軹𨔵言故後鄭改之說文𨔵車橫軹也又以𨔵爲橫者則必以軹爲直者矣亦失之軹𨔵同是軹木而大小異者較高於式軹之任力比𨔵自多故增厚三分有奇所謂惟其稱也

說文輪車輻閒橫木也輻司馬相如說輪从需輻車
藉交錯也按車輪車輻一也所謂車藉者藉有承薦
義有憑依義輪之材縱橫相交上承式較而爲人所
憑倚故訓爲車藉交錯以其交結不解故九辨稱結
輪七發稱結輻所以名輻者爲其格孔玲瓏所以名
輻者爲其枝交固嗇若从竹之筴乃外闌之名以闌
木下或用竹閒介成孔亦玲瓏然故曰筴又曰籠
籠一日筴也以其似匡匪可盛物又曰筐自與車箱上之
輻異處因地近形類故輪亦作筴士喪禮注箝覆筴
是也隸寫竹頭同艸故字又作筴少儀注箝覆筴是

也要二字不可謂一說文輜注各本俱同李善注七

發小顏注急就章引作輜車藉交革也

七發注藉革又誤从竹

並譌字段氏据之乃以意並改藉字爲車箱交革云
凡革輓謂之輜交革者交猶遮也以去毛獸皮輓箱
外則格孔遮蔽故曰輜引申爲結輜之稱試思七發
言中若結輜云若則知結輜者明是物而非虛字枚
叔蓋謂邪氣襲逆於中如交結之軫輜耳若革輓如
何結乎

江氏永云軾輶之植者橫者如窗櫺然於輿內貼板
爲之以輔板而承式較其植下筍入底板上筍入式

較中間皆釘之板上相著按此蓋慎修誤執車箱三
面是用板造成求安軹轡處而不得故巧爲是處置
耳實未之深思也何者經云揉式則式木之爲圓圍
必矣圍七寸三分三釐三不盡者其徑二寸四分四
釐四不盡凡以方木承圓木圓木必視方之廣狹以
消其徑之多少方者始能承之軹圍方五分四釐強
則式木之下亦止消其徑五分四釐強而下卽平與
方合若下有板又有軹板必約厚一寸左右始足勝
任又加軹方五分零則式已消去過半徑矣至較木
若是圓者徑一寸六分強若是方者每方一寸二分

卷二
九
強皆不能容板及軼須令突出其外此皆理數易明者以慎修且忽之何耶

按注云軼騎之植者橫者韉式之植者橫者可見車箱三面止是轆無所謂板也騎式所以止作轆者輿可以輕則輕轆之視板輕數倍格格縱橫交結其視板之堅亦數倍古人蓋計之精矣飾車鞅革當鞅貼轆內若糊窗然棧車雖不鞅革觀士喪禮惡車且有蒲蔽則平時有席蔽轆內可知不徒窗格也

車箱三面之下卽軼之左右前三方也其木經謂之軌注云軌法也謂輿下三面材騎式之所樹持車正

者是也其字卽法範正字古作𨋖

許君止載軌范不取故書

借作范範

范乃犯軌正字今通爲法範而本義奪矣

輿

輿

爲車之正軌持此正故謂之任正者注云任正者謂輿下三面材持車正者是也其圍數不見輿人而見之輶人者以其出數於輶長也軌乃輿人所爲而取度於輶長猶之軸乃輶人所爲而取度於軫間也凡曰範曰模曰型者皆自立規式使彼受範圍而不過之名若止是三方一匡其爲範也不見且箱之兩頭前必不盡前軌之邊後必不盡後軫之邊苟無定限則軌前隧深無準輶長之數亦難取準矣今按經云

任正者十分輓長以其一爲之圍其圍一尺四寸四分由加軫與轆推之軫之厚當一寸四分詳後三面與後軫必上下齊平則任正者亦厚一寸四分其廣五寸八分當前橫者長六尺六寸兩頭畱五寸八分爲柄當兩旁縱者長五尺二寸七分後畱四寸一分爲鑿以受後軫前畱五寸八分爲鑿以受橫者當剡其中閒向內之上半厚七分廣一寸二分爲偏槽當橫者槽長五尺四寸四分當縱者槽長四尺二寸八分三面合之其槽成轆式及底之範此軌之所以名也康成軌法也一語卽名卽義千古不磨後人皆捨名

而思義者矣其槽畱下半厚七分底板等任木之厚而兩頭缺邊畱上半七分合時卽上下齊平乃連板儘外爲鑿通於背廣長如軹轡之半厚則受軹者向內有八分弱受軹者向內有九分許不鑿也合軹轡時以一橫下貼板一橫上貼式較令轆孔分明則板受軹轡鉗制不上動矣其受較柱之鑿內畱四分外侵四分二釐強受式柱之鑿內畱四分外侵一寸三釐強則合材時諸柄皆是偏筭缺邊向內而箱內立壁皆齊平無觸礙人手處隧深軌前之數皆得切其前軌之槽起度矣

車箱之底軌及伏兔是直承底必用橫板爲之始克受其承而兩頭著槽乃有力其厚與軌同一寸四分兩頭畱其上半之厚剡其下半七分廣亦一寸二分如偏筍合底時軌之下半與板之上半合卽上下齊平也其板各於一邊中爲槽一邊中爲筍令諸板互相銜納惟最後一板入於軫之槽最前一板當槽不槽而爲偏筍廣厚如兩頭以合於軌其板背正中及兩旁量伏兔當兔所承處鑿之深四分廣三寸六分長一尺四寸六分六釐強以受伏兔當兔之鈎車人所謂鑿其鈎法蓋大小車相同康成易注以伏兔爲

鈎心之木所鈎之心謂此

車箱外三面皆有闌三面材自軌以外尙寬四寸六分者所以爲置闌地也此事余嘗反覆求之知古人臨戎所需一切皆宜在其左右而隧前一分爲人所憑立隧後二分又登降無常如衛蒯聵九上九下鄭邱緩有險必下推可見皆不容置物其中觸礙手足故必於輿外爲闌焉兵器旗物以插闌上金鼓諸具廢在闌中然後可進可戰非徒孑然一箱也記文不及之者以非車正橫直諸度皆可仿輅式消息之其制以柱承平板牽以橫木交於輅式之梁柱板上穿

孔直軛下釘鐵圍蚤以受插者式外如式之長轎外如轎之長其名曰局西京賦旗不脫局薛綜注局關也謂建旗車上有關制之令不動搖曰局每門解下之今此門高不復脫局其說此制甚明然則左傳成十一年晉人以廣隊不能進楚人綦之脫局少進馬還又綦之拔旆投衡乃出可知是旆插於局楚人初教之脫去晉人不從迨復教乃拔脫而投之耳正義謂脫者是闌木殊誤服君左傳注局橫木校輪間文釋如此正義引者多脫衍不可讀校與較同橫說文闌也橫木猶言闌木非縱橫之義此解服君蓋以局指左右闌爲旆插

其上若其稱一曰車前橫木也是服君前舊說爲指
前闌建旆與服異要可證左右前三面闌木皆局也
其中名𦉰又名篚又名籠說文𦉰車𦉰也篚車𦉰也
籠亦曰𦉰是也其高蓋三尺知者昭十年公卜使王
黑以靈姑鉶率吉請斷三尺而用之服君注斷三尺
使至於較大夫旗至較攷工記疏引此服君據禮緯諸侯
旗齊軫大夫齊較爲說緯書此制必本於古決非杜
造服君非不讀攷工記者若依車箱較崇明是五尺
五寸斷齊軫之旗三尺下於較已二尺五寸如何只
得齊較故禮緯所謂較者是指外闌三尺之高新序義勇

篇羊尹文稱國君之旗齊軾大夫之旗齊軾新序所載皆先秦故書之文軾高三尺三寸比外闌加崇三寸耳言齊軾猶齊較也可知緯書旗插闌上其垂下所言較必非高五尺五寸之較者自卽就闌高爲度也而闌亦名較者蓋有說左右闌卑於較似人首之有兩耳因得車耳之稱其崇三尺比輪高出四寸局之邊自可加木穹出輪上如今闌干多有此形說文輶車耳反出也應劭漢書注車耳反出屏翳塵泥謂此其名又曰輶說文輶車兩轆也輶訓車旁兩轆猶云重轆取耳下垂也車耳似之故得此稱鄭公孫輶字子耳魯叔孫輶字子張耳外出卽侈張意名字並相因也又名重耳崔豹古今注

丰較重耳也在車轡上重起如兩角然此實就外闌
爲說於較爲重於形爲耳故名重耳以其反出故自
前視之重起如角晉文公之名取此詩倚重較兮毛
公云重較卿士之車江氏永非之謂較高於式一重
故曰重較尊卑皆然此不明古制妄駁舊說按士喪
禮主人乘惡車犬服注云答間兵服以犬皮爲之是
足明士車有闌故曰答間士以上從可知矣若庶人
所乘詩所謂有棧之車者止以柴木爲箱安得有重
較乎則毛傳爲確不可易左右闌之亦得稱較甚明
禮緯服注信非虛語考工疏云天子與其臣乘重較

之車諸侯車不重較故有三尺之較或可服君誤說
並同夢囈失之遠矣此較輪閒之闌戈父戟矛建焉
所需諸物廢焉說文橢車笥中橢橢器也橢者狹長
以器置狹長之笥中故曰橢橢器張骼輔蹠取冑於
橢及所鼓之琴韓厥所奉之觴璧皆其器也其式前
之闌金鼓干盾弓矢旗旆皆在焉宣四年伯棼射王
汰輶及鼓跗著於丁寧可見輶之後有鼓鼓之後有
鉦鼓有跗者吳語載常建鼓韋昭注鼓晉鼓也建謂
爲之楹而樹之知古人戰車上是樹楹鼓鼓大跗小
則中多空地鉦乃手所搖攬其大無幾當卽繫於跗

昭二十六年齊子淵捷射洩聲子中楯瓦繇胸汰匕
輶入者三寸又見輶之後有盾盾必樹者矢乃中之
詩龍盾之合毛公曰合而載之王肅謂合而載之所
以蔽車盾所以扞身蔽目言蔽車則人不待言可互
證也金鼓之下則置矢房弓弣哀二年趙鞅爲軍將
執金鼓而曰吾伏弣嘔血鼓音不衰成十六年養由
基射呂錡中項死伏弣公子重耳言左執鞭弣右屬
橐韃韋昭云左執弓右屬手於房以取矢皆其驗張
侯言師之耳目在吾旗鼓曹翺言望其旗靡衛懿以
不去其旗甚敗知長帥皆各建其旗止在左在右無

明文耳惟襄十八年齊殖綽郭最皆衿甲面縛坐於中軍之鼓下似鼓下不能容人然闌之長各如其轡式則左右軌兩縱木當隧前一分及前闌兩端之外皆有四寸六分空地兩囚坐此鼓在其上非坐鼓下而何後儒皆不明此制徒向子然一箱多方推說試思若無外闌輿深止四尺四寸三人並立其中如何可容建鼓鼓下如何更容兩囚甲冑弓矢諸物如何可容塞厠輿內干盾如何置前令直輶而當矢矛戟等如何插輶令不礙人之引弓於實事無一可行則其不得於古制決矣大抵智者創物必順其自然之

理勢以爲之體而用因以行焉車箱後面空虛兩柱上宜牽以一橫木其轎始固今旣以人由此登下不可以一橫礙之則兩轎壁立高過五尺車行時必有戰抗不安之勢况又可以鐵圍範邪置轎之上下插旗物兵器以益危之如賈䟽之說耶故於理勢不能固之於內者可以三尺之闌使相扶相倚固之於外旣善其體卽善其用斯其所以爲智者歟

車上建鼓一節余久疑之車之辨等衰者止在諸飾其長短廣狹須求合轍必無貴賤皆同据吳語十旌一將軍載常建鼓韋昭謂鼓是晉鼓依周禮軍將執

晉鼓之文自不誤但今以韠人計之晉鼓之木長六尺六寸鼗鼓長八尺面皆徑四尺古之鼓面在兩旁其樹於笥中面當空處雖不知高下跗要與軾相切爲晉鼓歟若以面向人木之占地總六尺六寸式內外分居三尺餘軍將卽須退式後三尺餘擊之則身必立當箱軫之際若以面向側四尺之面於式內亦居二尺其木適如車廣軍將居中手必繞出左右兩人之外乃及擊之若鼗鼓木長八尺面向人則擊者幾無立處面向側則且出車旁七寸矣皆無可者然旗鼓師之耳目斷無不建鼓之理反覆繹之夏官言

仲冬教大閱羣吏聽誓訖中軍以鼙令鼓鼓人皆三鼓司馬振鐸羣吏作旗車徒皆作鼓行注謂中軍中軍之將也三鼓者鼓人也鼓人師帥旅帥也中軍之將令鼓鼓人擊鼓以行之夫以大閱修戰法中軍之將令鼓止用鼙而擊鼓率其卒伍以行者又止是師帥旅帥則所擊者亦止是提鼙耳臨戰所擊豈得異是若仲春教振旅此時本主於辨鼓鐸鐃之用故王以下所執不同然鼓坐作進退亦止是師旅之帥鼓以行之王及諸侯軍將不過以所執令之如今武營統領官坐堂皇操演然不必親登車擊鼗晉也路

鼓晉之大既不可建車上晉鼓下爲提然則軍將或
王侯自將必皆建提下則建聲明矣先鄭注提謂馬
上鼓有曲木提持立馬髦上說文輦騎鼓也古無單
騎兩家並以漢法况周然卽此可推古提輦之制其
木必短建車上者跗必曲木折向外令其面適當式
前高或及膺乃便軍將之擊解張御卻克在左以克
傷病乃左手并轡右手援桴而鼓其於勢亦便也賈
氏中軍令鼓䟽云將居鼓下以鼓晉圍長筭之人非
居其下不可然如何擊之耶鼓跗木曲卽曲處空多
鉦當掛於跗上伯棼之矢及跗著鉦不虛也

圓者中規方者中矩立者中縣衡者中水直者如生焉繼者如附焉

注治材居材如此乃善也如生如木從地生如附如附枝之宏殺也

圓者謂式較上平木方者謂諸柱軹轡中規中矩治材之善也立者謂柱及軹轡之植衡者謂式較及軹轡之橫直者謂輿繼者謂闌中縣中水如生如附居材之善也

凡居材大與小無并大倚小則摧引之則絕

注并偏邪相就也用力之時其大並於小者小者強不

卷二
六
堪則摧也其小并於大者小者力不堪則絕也

軹輶小式較及諸柱大以小縱橫交於大宜鑿柄相應不令偏邪相就否則摧絕之患作引之謂人扳引之用力之時謂人憑倚著力

棧車欲弇

注爲其無革輓不堅易折壞也士乘棧車

飾車欲侈

注飾車謂革輓輿也大夫以上革輓輿故書侈作移杜子春云當爲侈

弇侈謂以軹輶爲輻也棧車不輓輻須格孔收密乃

參分其兔圍去一以爲頸圍

注頸前持衡者圍九寸十五分寸之九

五分其頸圍去一以爲踵圍

注踵後承軫者也圍七寸七十五分寸之五十一

凡揉輶欲其孫而無弧深

注孫順理也弧木弓也凡弓引之中參中參深之極也

揉輶之倨句如二可也如三則深傷其力

輶深則折淺則負

注揉之太深傷其力馬倚之則折也揉之淺則馬善負之

輈欲弧而無折經而無絕

注揉輈太深則折也經亦謂順理也

輈深先鄭謂輈曲中者輈曲之中也輈曲之中倨句

之交也此義後鄭同之故注都不解深字江氏謂鄭

意實不從非也不知此為言輈制第一要領軌前十尺由軌前平指至上

直輈端之虛度三輈此度皆同同程氏說程氏惟此

詳注云謂輈軌以前之長明是平長非斜長也阮氏

尺為斜長蓋輈本曲物其深淺必有底其端未必有

之弦非限而非平無以立度非軌無以取平故不必各計其

弧曲而止以十尺平度為定合輿下四尺四寸通得

一丈四尺四寸爲三輶之平長使揉輶者上求準於深度下求準於平度一差卽無不差一合卽無不合而弧曲多少之數皆不待言而自明焉揉輶者必先得以平度十尺爲股以各輶深度爲句而求得其弦旣而以深度正中直弦之正中適成十字卽得弧曲之倨句深處爲輶曲之中也乃以輶木平出軌前者直軌之盡處微微揉令前曲而上以至曲中卽微微前曲而下至與十尺平度相直是爲輶頸之端而適與馬領之高齊平則輶成而中度矣乃以衡加於頸端之上頸之圓徑三寸二分衡之方徑三寸三分增衡

頸筋膠束革之厚其五分通得高七寸是三軔衡頸

之間也

賈疏以衡頸皆圓徑推算又不知二者皆被筋革故餘九分爲消於馬頸之低失之矣江

氏以注言頸者不合以加國馬八尺得八尺七寸加田馬

七尺得七尺七寸加驚馬六尺得六尺七寸是爲衡

高而適與曲中齊平衡高與軔深是兩事注推三軔

衡高皆由軔崇加軫轅而並其軔深得之注文最明

阮氏謂鄭解軔深爲衡高謬甚其衡頸之間七寸卽

馬高以上空處凡馬股與領平之後卽斜圓而下此

七寸之空於十尺之平長向後必六尺有餘軔之曲

始直馬尾其後尙有長三尺餘之地始抵軔前故能


容兩股兩驂無不足之患若田馬驚馬之輈則空處
更長矣輈狀擬弧其弦卽以擬弓弦其深之上距至
弦之正中卽以擬矢中參者謂凡弓引之其中容矢
長三尺所謂弧深也輈之矢止如弧深三之二故曰
如二輈之矢以深度約之每寸得四釐二豪五絲強
深四尺七寸者中當二尺深四尺者中當一尺七寸
深三尺三寸者中當一尺三寸而實度之皆多三寸
強注云如二可也可者約畧之詞止欲明三輈固欲
似弧而其深度斷不可過與不及耳若中三則深過
於深度其輈雖非直上而已傷直馬股時搭拄之輈

力不勝必向後裂斷故云輅無弧深又云弧而無折
輅深則折也若不中二則又淺不及深度其輅無衡
頸閒七寸之空必將與馬身平馬股又喜上戴之故
云淺則負也輅當兩股之中不直馬背而注云太深
馬倚之則折淺則馬善負之者緣路有高下險易卽
馬股有橫側退却故有倚其後負其上之時也以此
知輅去馬高極空處始有七寸其踞馬尾亦不甚遠
所以然者馬之致力在領而領高於軌四尺非與牛
領之低同以高者引卑者故輅必曲以就之然形製
雖曲其木仍須存其直勢始有勁而當力觀今之犁


轅卽可會古人曲輶法意注一云如三則深傷其力
再云揉之太深傷其力皆謂輶過曲不存直勢卽木
力無勁耳非謂馬力也且揉直令曲必順木理微微
曲之若太深將自軌前卽驟令直上此不待馬之揜
挂勢無不先裂斷者經曰揉欲孫而無弧深又曰輶
欲弧而無折經而無絕蓋諄諄爲不中理不中數者
言也然則古人立度舉軌前一丈有餘之木揉令上
就馬領以馬領之高爲曲中之節但令不折不負使
輶力與馬力相和斯善矣馬身以上空曲雖多無益
也且空多必太深太深又理勢所難强强爲之卽不

敗亦不堪用此深度平度之所以萬無可增損也今
並爲圖以明之阮氏三軌圖國馬之軌直是徑四尺
七寸一半圓田馬駕馬之軌直是徑
四尺及徑三尺三寸兩半橢圓當兩馬領上之中不
惟於馬勢難致力其空曲高數尺以何用乎卽形狀
亦駭
觀矣

田馬之軌圖



駑馬之駟圖



輿空其後面止三面樹軹轡爲箱軌承其所樹故謂之輿下三面材疏云此木下及兩旁見面上面託著輿板其面不見故云三面材大誤正車正也輿當車之正而軌任之故曰任正者疏云此木任力車輿所取正亦誤衡卽上衡長之衡衡之任力在兩軹之間故曰衡任者猶言衡之任者也觀下文五分其長其字卽承上所謂衡而言若衡非車衡則其長所指何長卽經明之知正字雖有直義衡雖是古橫字而任正衡正非以橫直對文也經於軹人始見軌圍者以軹軌同工而異圍軹圍出數於車廣而軌圍出數於

輈長自上以來未著輈長卽無從著軌度此旣出軌前十尺則輈長之度已明故卽承軌下著其圍數以與衡輈同是任木故卽並著衡圍此經意也自宋戴仲達以注爲誤云任正者輈衡任者軸任正者十分其輈之長以其一爲之圍卽下十分其輈之長以其一爲之當兔之圍者也衡任者五分其長以其一爲之圍卽下五分其軫閒以其一爲之軸圍者也徑以衡正作橫直解近儒多疑其說戴東原於衡任又增一衡金輔之於任正又增一伏兔余以爲任正者就令是輈輈之當兔當伏兔者也伏兔之長於輿深止

居三分之一輿下四尺四寸之輈對此者爲當免前
後三分之二不當免矣經又言輈長十一者爲當免
之圍明不當免卽非此圍矣當免任正不當免獨非
任正乎然則任正者十分輈長以一爲之圍爲當免
之圍乎不當免之圍乎抑當免始得爲任正不當免
卽不得爲任正乎則任正者之非輈決矣阮氏謂任正若是輈
當如衡任卽言其長不應贅一輈字余按下文當免卽在輈上起圍數亦言其輈之長此不足以破之
衡任者就令是軸無論其長一丈有餘與下文軫閒
數不合卽如東原云主任輿六尺六寸者言之然止
以任輿論必其承輿之下乃得謂之衡任也而轂入

輿下者七寸兩旁合一尺四寸軸皆入轂中矣尙得

謂之任輿乎

伏兔之設距兩任正者外邊各七寸轂入輿下七寸適與伏兔相切

以爲

任輿則入轂之長誰非任輿者不以爲任輿是承輿下者實止五尺二寸又不與軫閒數同然則衡任者之非軸又決矣世儒要以輪輿軻三職各有專爲三面材宜記於輿人不應軻人爲之而論及其度故必力改鄭說不思經於諸度必先有根數乃見出數於立言亦一定之法非軻人卽不可論輿人事也卽如衡是軻人所爲而衡長之度在輿人見之此將何說耶又如軫方蓋圓及輪輻蓋弓之數旗旗弧旌之旂

皆非輶人所爲而並詳論之此又將何說耶皆惑之甚矣

十尺本或作七尺緣篆文十𠂔形似而誤康成以句弦求股法正之云令七爲弦則股短意欲見五尺零之股於容馬爲極短不合耳其實就令以七尺爲股亦僅足容服馬而不足容驂馬也阮氏謂康成以七尺之弦爲非當以十尺爲弦不憚注意

七尺爲弦四尺七寸爲句以求股賈䟽所筭得股五尺三寸餘方一寸誤也今計之弦自乘七七四丈九尺句自乘四四一丈六尺四七二尺八寸又七四二

尺八寸七七四寸九分并二丈二尺零九分以之除
弦弦餘二丈六尺九寸一分然後以開方求股股方
五尺除五五二丈五尺餘一尺九寸一分爲一百八
十二寸方之一百寸得廣一寸長一丈中分之以裨
前五尺之方一廂得一寸角頭補一寸得方五尺一
寸尙餘八十一寸爲八千一百分若作方廣八分長
五尺中分之以裨前五尺之方此八千一百分除盡
尙少一百二十四分是得股五尺一寸八分弱也凡
句股弦自乘必皆成方如賈氏筭句自乘先不成方
此所由誤

當兔圍一尺四寸四分則方徑三寸六分也輶承輿下者四尺四寸宜廣厚如一而惟著對伏兔處長尺四寸六分強一段之圍明前後不對伏兔者其圍異矣以此推之輿底當處鑿深約四分以受輶與伏兔之鉤入爲固當兔三寸六分之厚約以四分鉤心則在外者仍有三寸二分廢軸上其前後不當兔者當止減上厚四分使與輿底相切兩邊及下面則漸殺矣向後殺至於踵止圍七寸六分八釐向前殺至於頸止圍九寸六分是輶在輿下者正中一段前後漸斂漸窄底則漸收漸上形若舟然此輶之所以名也

當兔承輿中伏兔如履承兩旁惟中間當軸一分須厚下爲銜軸地銜軸又須作半規形不可以圍計此外則其圍宜同當兔亦方三寸六分其鉤心胫軸上並同經以兩事度同可以互見而輈在輿下者有當兔不當兔鉤心不鉤心之增減若著兔圍則當兔且不能見今止著當兔之圍不惟可見兔圍卽不當兔者亦並見之矣下文言三分其兔圍卽是伏兔之圍明當兔伏兔其圍一也不然伏兔是主名指輈之當之可省而曰兔當兔豈可省曰兔乎古人文字簡妙每耐人思如此

嘗疑輶及伏兔置軸上輿又置輶及伏兔上四者必
管固連合不稍移動而後可行若空空腹著馬一引
之卽四者俱離矣如慎修謂兔下疑有足鉗軸如今
制而免當連於底板東原據說文輶訓車軸縛謂兔
下有革以縛於軸芸臺推江戴說謂兔作牛規形以
銜軸下更有二長足少鏤其軸而夾鉤之鉤後又有
革以固之如此伏兔於軸可不相離矣而於輿則不
關涉也輶之於輿注言踵後承軫者亦不詳如何承
法如慎修計加軫與輶七寸謂後軫在輿下者餘一
寸七分半輶踵爲缺曲以承之如此則輶與輿可不

相離矣而輶輿與兔軸仍無關涉也玩索經注久之乃知此經特著當兔之圍者正欲見四者之所以連固不稍移動也按車人云凡爲輶三其輪崇三分其長一在前二在後以鑿其鉤鄭司農云鉤鉤心所云心者謂輿底板心其鉤者謂輶鉤板心之處鑿其鉤者視此處應鉤深若干而剡低其前後不鉤者其鉤者自高出也大車然小車當亦然故此經言當兔以別於不當兔而圍特大者以上須畱若干爲鉤數也大車兩輶承輿底之旁而對鉤板心無從更加伏兔蓋卽以兩鉤心當之則伏兔惟小車有矣鉤心當亦

與兩轅同易輿說輶鄭注云輶伏菟也

見釋文

縛木輿

下與軸相連鉤心之木是也

見正義

盧氏曰輶車下鉤

心夾軸之物

見集解

並據目驗而言確不可易故此經

止言當兔之圍不言兔圍而下乃言兔圍不言當兔

之圍明當兔伏兔其用同其度同也由此而言則輿

底板心有二處鉤之皆上與輿緊銜兩兔下又鉗夾

軸而以革縛定當兔不必更鉗軸自萬萬無出理宜

四者管固連合而不稍移動矣慎修己思及之特未

實證其制芸臺求其說不得因於輶後端投一大橫

木當任正以持輿之後軫又以方木半規形當軌置

前軫下正中以圍軻身其爲軻輿計甚至不知兔不
鉤心軻雖與輿相連而與軸免無關仍可以曳輿前
出軻不鉤心雖有前之軌後之任正者承軻而軻仍
是平平度著及馬引軻而軻之抽脫自如也

衡頸相加之上下賈疏云衡在軻頸之下其頸於前
向下持制衡高之輔孔氏詩五檠梁軻疏云轅從軻
以前稍曲而上至衡則居衡之上而向下句之衡則
橫居軻下如屋之梁故謂之梁軻余按康成此注三
軻皆以軻平并軻深得衡高其曲中高軻平之數卽
衡高軻平之數是衡與曲中適平軻自曲中以往斷

非平指以投於衡必漸曲向下以就衡而漸低於曲中假令衡居輈下其高必不得與曲中平如注筭衡高乃與曲中平知衡必橫居頸上也若如孔賈說輈曲至衡上始向下句之令衡居輈下是未至衡以前皆止曲上而不句至衡上乃向下就衡勢必以頸投衡衡頸乃相連接其向下乃是頸而輈深惟至衡之處乃其曲之最高計其深當在此處自此處句下必數寸始抵衡衡高如何得等輈深則皆違失注義明矣凡言持者皆所持者在持之者上注於軌言持車正者於頸言持衡者以軌承輈下頸承衡下故也卽

稱衡頸之間文次皆衡上頸下亦可見

駟承輿下者宜方揉弧曲者宜圓軫方木承以方則
穩衡亦方木而承以圓者蓋路不能平如水兩服之
領必互有高下衡不能不隨馬領爲低昂承以方則
礙承以圓則活也頸不獨當衡下者凡弧曲皆是秋
官大行人謂之侯侯卽喉喉頸一也鄭司農彼注云
侯轅前胡下垂挂地者胡亦卽喉也今秋官作立當
前疾自唐石經
已然惠氏禮說云論語邢疏小雅蓼蕭孔疏並引作
前侯蓋疾與古文侯相似故訛自宋至今讀者不悟
則自當免以前漸殺至曲起而上其稜隅亦漸盡就
圓矣故頸圍乃當免前漸殺以至於衡上之數踵圍

乃當兔後漸殺以至於軫下之數經於全軛之長就
中明當兔圍就兩頭明頸踵圍其閒之漸殺漸小不
可以圍定者度數自見非承軫持衡之處突然削小
就此圍數也不然當兔而外惟承軫衡處有度餘皆
令人莫知其大小經豈如是疏畧乎

軛端橫木言其橫曰衡言其形曰軛曰軛實言之曰

兩軛兩軛

軛字左傳又借作胸

說文軛轅前也軛軛下曲者服

君左傳注軛車軛兩邊義馬頸者明軛軛止是衡非
衡外又有所謂軛軛也軛者謂其句曲軛說文作軛
从𠂔𠂔隸省作𠂔古蓋止用𠂔字詩韓奕金𠂔士喪

記今文輓作厄是也莊子馬蹄作𨮒

說文無𨮒而小

爾雅釋名作𨮒

段氏說文注謂輓假借作𨮒非也𨮒自是大車輓輓之名後加木說文別

有𨮒字

衡所以名厄者爾雅云厄烏蠋郭注蠋如大指

似蠶韓子曰蠶似蠋按此蟲吾鄉俗呼看田狗青色

旁兩足有尾文兩邊斜披畧似狗巨者輓然如大指

喜在豆蔓上不常見其行食一籬之豆亦罕見雙詩

東山箋謂蠋特行良信山東人呼豆蟲

郝氏爾雅疏以蠋爲豆蟲

此輓形似之故謂之厄亦謂之烏蠋毛公金厄傳厄

烏蠋也是其明證

孔氏疏謂金厄以金接轡之端如厄蠋然全失毛旨

因蠋啄

聲同變稱烏啄釋名遂謂烏啄向下义馬頸似烏口

向下啄物時望文傳會已失其本義矣其制慎修極意推之云軛直是於衡上當馬頸處缺其木如半月形下別爲輦作木架上歛下開覆以革如今制以承兩軛覆於馬頸用革束衡而連之其說缺如半月得矣惟其兩邊缺不正得衡之圍徑故計衡圍當在中閒不缺者注所以釋衡任爲兩軛之閒也其云下承以輦恐未然蓋馬頸時而仰則鬚領直豎時而俯則鶴啄懸垂頸後又非若牛有力柱可以鉤制曲木其勢斷不能肢鞍於上而衡軛又必當此處置之然則如之何而可余觀今時駕車邊馬用長數寸直木夾

貼於肩領之交以繫鞮鞢木爲前硯骨抵拒馬之致力前引全恃之古一轅車服馬用軛其必似此歟攷軛狀見於經者惟士喪禮記云楔貌如軛上兩末可由推驗前制彼屈角枳爲楔义尸口其形如軛特以兩末向上明軛向下有兩末矣計兩末出缺月外必長七八寸許裡平而外圓削如肋骨之形而末須是直者衡旣是以直爲橫兩末其長如許必不能卽衡木爲之當別製兩末削穹其上貼缺月釘著之復各爲兩穿以受鞮鞢之絆駕時衡加軛頸上軛之兩末下過軛頸圍徑三寸二分始與馬頸平是狹者全在

空處及鬣肉以下骨張肉容末乃實壓而夾貼於肩
傾之交爲前硯骨抵拒可使馬致力引軻矣若駕驂
馬恐卽如今時駕邊馬之法

嘗以馬自駕車之外古人未必不以之馱物馱物用
背自然著木駕與今馱輦同故齊有地名輦見春秋
成二年經及有單騎以後乃踵爲今之騎鞍施之馬
身各有相稱斷不可以之講軻也

衡加軻頸之上所以關鍵之者爲軻說文軻大車輶
端持衡者軻車輶端持衡者其義甚明韓非外儲說
墨子曰吾不如爲車軻者巧也用咫尺之木不費一

朝之事而引三十石之任則其木長尺許矣又其形
製宜圓著衡軛處皆宜受以圓孔康成論語注曰軛
穿轅端著之軌因轅著之見皇氏義疏因之云者蓋軌植
定在轅上駕時但以衡中孔就而著之若牛車兩轅
兩軛駕時乃旋以軛穿轅貫轅太元經閑次三拔我
軛軌足明著時是自上而下也著後俱當以革束定
康成注論據目驗確鑿言之絕非臆度自包咸注謂
軛者轅端橫木以縛軛軌者轅端上曲鉤衡直是以
軛爲衡以軌爲軛大違古義貽誤學者至東原乃明
正其謬

馬之力在胸故

金

樊纓也是

鄭注巾車云樊謂今馬大帶也樊及纓皆以五采屬飾之是以樊纓爲二物賈馬則

云鞶纓馬飾在膺前是爲一物箋義蓋依賈馬

皆飾以五采屬以帀數爲等

級釋名鞶嬰也喉下稱嬰言纓絡之是其義杜氏左

傳注云在腹曰鞶非嬰說文著腋皮也

皮今作鞶依左傳文正義

引段氏云著腋是直者當膺是橫者釋名橫經腹下

之說蓋據鞍鞍者言若駕車以一皮帶自腹前繞出

腋以系於軛則馬足爲所礙不能行矣杜氏左傳注

在背曰鞶亦非康成注巾車樊纓以樊爲馬大帶或

卽謂鞶歟

車有六等之數車軫四尺謂之一等戈秘六尺有六寸旣

建而迤崇於軫四尺謂之二等人長八尺崇於戈四尺謂之三等戈長尋有四尺崇於人四尺謂之四等車戟常崇於戈四尺謂之五等酋矛常有四尺崇於戟四尺謂之六等

注此所謂兵車也軾輿後橫木崇高也八尺曰尋倍尋曰常戈長丈二戈戈戟矛皆插車轡鄭司農云迤謂著戈於車斜倚也酋發聲直謂矛

輿後橫木名軾本以紵轉爲稱小雅方言並云枕謂之軾釋名亦以軾爲枕以枕是薦首之物車由此登卽以此爲首名枕止取首意亦緣與軾同聲劉成國

云如卧牀之有枕強說也毛詩謂之收者是指輿下四方故得以深淺言名收蓋取收固車箱意軫自是輿後橫木專名軾自是輿下三面材專名軫名可通於軾軾名不可通於軫以輿下輿後高度如一故可以軾包之軾者範輿軾固不範輿也康成注軾凡三處此云軾輿後橫木者著其主名也四面高同言專處餘可見矣下加軾與轍云軾輿也者以經通言四面也輿人軾圍云軾輿後橫者以軾軾異圍經所明是後橫者之度其軾圍在輿人故宜別言之也戴仲達不明注旨乃謂鄭自知不通而變其說妄矣彼兩

漢經師豈皆不識庇軫軫閒爲兩旁軫方象地爲四方者哉

輅說文車旁也則注云插車輅者止謂插車之兩旁耳自是插於外闌以詩詠二矛例之知四兵左右皆有矣疏云當皆以鐵圍範邪置於輅之上下乃插而建之容出先刃入後刃則一邪向前一邪向後乃得釋賈氏意已是以輅爲輿板其鐵圍當釘在板上以其說推之四兵宜上下各有兩圍始固又須有向後向前則輿一面有十六將鐵圍布滿兩廂絕無是理按經文計四兵崇數惟戈是秘之迤高父戟矛皆直

量其秘之實高若都是斜建其長短雖不齊而斜之距必宜上下如一乃彼此不相拒礙秘六尺六寸者斜之則高止四尺以此數差之至酋矛止得崇一丈二尺皆不得如經所云程易田以戈獨迤之餘皆直插先刃後刃亦止戈乃如是其說確矣

古戈制斷當以易田所攷爲定說其刃却秘端橫貫秘鑿則秘端卽盡其長故其崇止以秘計此文秘一句實言戈爲橫刃一大要領而易田乃忘據之車上所以斜插者以其長止六尺六寸若直插則比人低一尺餘其援胡正當肩臂之間射御指揮不無觸礙

故斜插之其爲思患預防精矣若矛戟高出人上迴不相干詎須斜插乎其插之之所余思外關局木廣亦無幾其上不能差互爲孔使邪正之柲得相交過易田以股弦求句得句之迤出者五尺二寸五分弱計當在後軫前軌外面直局內處各釘一鐵圓簪令斜向輿凡四鐵簪皆足容艾鐔先刃則插之軫後刃則插之軌如此則輿深四尺四寸加軫廣四寸一分軌外廣四寸六分艾自鐵簪斜出關之連較橫木傍局內以至高軫四尺之處柲端畧直軌軫之盡比式雖高七寸而以援胡向下轡出柲之上尙高不至妨

其磬控亦不至登降相妨於理勢庶有合乎

六尺六寸之輪軹崇三尺有三寸也加軹與轆焉四尺也人長八尺登下以爲節

注此車之高者也軹輿也鄭司農云軹害也轆謂伏兔也元謂軹轂末也此軹與轆并七寸田車又宜減焉乘車之軹廣取數於此軹廣八尺旁出輿亦七寸也

伏兔已見軹人省稱曰兔䟽以爲漢時名誤

江氏永算加軹與轆之數云軹方徑二寸七分半自軸心上至軹面總高七寸轂入輿下左右軹在轂上須稍高容轂轉故軸上必有轆度之軹亦度輿下者

其當兔方徑三寸六分兩旁伏兔必與之齊平知兔
圍必與當兔等大軸半徑二寸二分加轆方徑三寸
六分共高五寸八分以密率算轂半徑五寸一分弱
中間距軌七分強可容轂轉以五寸八分加後軫出
轆上者約一寸二分總高七寸也輿板之厚上與軫
平亦以一寸二分爲率後軫在輿下者約一寸五分
半軾踵爲缺曲以承之按自來說者惟此算極周密
余通考車制知軾軌異圍軾廣當四寸一分軌廣當
五寸八分厚皆一寸四分令四面上下齊平故曰軾
方象地非正等方而後軾獨下於軌一寸五分半也

其軌踵蓋平承軫下有直木關固之亦非爲缺曲若爲缺曲踵卽不與軫厚齊須外出四五寸其銜口始固則礙人之登降矣兔圍固與當兔等大方徑皆三寸六分而並須除鉤心入底板之數則高當約三寸二分軸半徑二寸二分是約率以密率算止二寸一分今於輪半崇三尺三寸之上加軸半徑二寸一分轆高三寸二分軫厚一寸四分於七寸尙少三分據說文輶伏兔下革也知兔下有革爲藉不令木與木相摩當兔下應亦不異則革厚約三分添成高七寸爲軫崇四尺軫轆中間空三分強於轂半徑五寸三

分強

此約率密率止五寸一分弱

入軌下者仍得容轉也設伏兔

處慎修以轂入輿下七寸推之云當在軌內八寸閒余計宜距軌內一寸二分設之也

古人一轅車今不復存其輿制言者合此卽失彼合彼又失此非曾經傳而取驗實事不能得其真也車箱形狀據經廣半爲式崇三尺三寸隧半爲較崇五尺五寸式深居隧三分之一江慎修先生謂前高後低如紗帽形其說破千載之積謬足令古制復還更無疑議然自式較而外未盡合於經也余以爲欲明車箱宜先詳箱外四面其前面據左傳宣四年楚臯

澣之戰伯棼射王汰輶及鼓跗著于丁宁丁宁鉦也
可見輶之後有鼓鼓之後有鉦鼓有跗明是建者證
以吳語載常建鼓韋昭注鼓晉鼓也建謂爲之楹而
樹之則戰車上樹楹鼓的是古制又以成二年綦毋
張從韓厥寓乘就左右厥皆肘之使立於後推知軍
將與其左右兩人是相並而立而金鼓理必置軍將
前其爲鼓於周禮諸侯執鼗鼓軍將執晉鼓古之鼓
面在兩邊鼗與晉並圍徑四尺鉦之徑無文可知要
極小亦必數寸二物若置在箱中卽建鼓可令半出
式外而箱內仍占地二三尺軍將必退立左右兩人

二三尺之後於事已不合且如慎修說式下皆板板內又有輶承之矢如何能穿板直入則必若芸臺說輿前後皆空而後可然其說又有陰板揜前空虛下垂輶上矢亦不能如此也又襄十八年平陽之役殖綽郭最皆衿甲面縛坐於中軍之鼓下鼓若在箱中三人之外如何更容得兩囚况又坐於鼓下耶又昭二十六年炊鼻之戰齊子淵捷射洩聲子中楯瓦繇胸汰輶輶入者三寸楯瓦盾脊也可見輶之後又有盾盾必樹者矢乃中之豈樹在式上耶必無是理也然則輿之前面可識矣蓋前軌廣五寸八分以一寸

二分範輿其廣尙有四寸六分在箱外乃以此四寸六分之地近邊爲闌其高三尺兩頭交於式之柱軌上釘鐵圍籬闌上橫木鑿孔與相直用以建旗樹盾成十一年邲之戰晉人以廣隊不能進楚人碁之脫局少進馬還又碁之拔旆投衡乃出服子慎注局稱一曰車前橫木也見本疏釋文此服君前舊說以此闌上橫木爲局蓋旆插局內楚人初教之脫去晉人不從追復教乃拔脫而投之耳孔疏以脫者卽橫木非是西京賦旗不脫局薛綜注局闕也謂建旗車上有關制之令不動搖曰局每門解下之今此門高不復脫

局其說局制甚明解下者是旗非關與左傳可以參

證盾亦樹於上者詩龍盾之合毛公云合而載之王

肅謂合而載之所以蔽車是也

說文盾所以扞身蔽目言蔽車則人不待

言淵捷之射汰輶中盾以此其闌約占地寸許中閒

有幾及四寸之地鼓跗卽建於中跗旁皆鼓下空地

可以置鉦伯棼之射及跗著鉦以此金鼓之旁弓弣

在焉哀二年鐵之戰趙鞅爲軍將執金鼓而曰吾伏

弣嘔血鼓音不衰成十六年鄢陵之戰養由基射呂

錡中項伏弣公子重耳對楚子言左執鞭弭右屬橐

鞬韋昭注云謂左執弓右屬手於房以取矢皆可驗

也其箱旁兩面据服君注左傳脫局云局橫木校輪

閒

釋文如此正義所引多譌衍不可讀

校與較同若如慎修說車箱如

方箱則兩旁整齊外別無地較輪中間何從置橫木耶然則輿之兩旁可識矣蓋左右軌面廣亦五寸六分以一寸二分範輿亦有四寸六分在箱外其長前出於式盡於前闌後盡於軫而惟以三分隧之二者當較外爲闌焉兩頭植柱與較之柱對各持以一橫木交於較柱其柱上卧平板板鑿橢圓之孔凡四是爲局軌上亦當孔下釘鐵圓鑿兵器所插在此狀並與前闌同惟孔與鑿橢圓者以出先及入後及可隨

宜斜插也前柱既與較柱對立視之則較成兩重故詩言猗重較兮不得如慎修云較高於式一重故曰重較也其高据昭十年公卜使王黑以靈姑鉅率吉請斷三尺而用之服君注斷三尺使至於較大夫旗至較周禮冬官疏此服君據禮緯諸侯旗齊軫大夫齊較爲說緯書此制必依於古非出杜造若以記言較崇明是五尺五寸斷齊軫之旗三尺其垂下者已幾及較之中如何止得齊較故知服君所謂較者乃指輿外第二重之高言則闌之高可決其爲三尺前闌僅低於式三寸此低於較二尺五寸矣其闌中名苓又

名篚

篚篚古
止作匪

說文笭車笭也篚車笭也謂此以局下

或用竹蔽之小孔玲瓏故曰笭又曰籠

說文籠一
日笭也

以

其似匡匪可盛物故曰篚凡需用器具皆度焉張骼
輔躁取胄於橐及所鼓之琴韓厥所奉之觴璧皆出
其內說文橐車笭中橐橐器謂此也闌在箱外又卑
於較如人首之有兩耳故得車耳之稱其崇三尺比
輪高出四寸局板之邊自可加木穹出輪上如今闌
干多作此形說文輶車耳反出也應劭漢書注車耳
反出屏翳塵泥謂此其名又曰輶說文取耳下垂也
車耳似之故得此稱鄭公孫輶字子耳魯叔孫輶字

子張耳外出卽有張侈意名字並相因也又名重耳
崔豹古今注車較重耳也在車轡上重起如兩角然
此實就外闌爲說非指正較以其於較爲重於形爲
耳故名重耳惟其反出故自前視之其植柱如角然
晉文公之名取此芸臺謂騎板直立者三尺五寸過
此以上卽向外曲反出輪上象耳之取故曰輒五兵
因有輒所以迺建而適出於車耳之外失其實矣毛
公以重較爲卿士之車慎修非之云尊卑皆然是不
明此制妄駁古說按士喪禮記主人乘惡車犬服注
云笭閒兵服以犬皮爲之又婦人貳車緝服注云緝

緣也狗皮緣服此足明士之車箱外有闌故曰等閒
士以上從可知矣至庶人所乘詩所謂有棧之車者
止以柴棧爲箱安得有重較乎故重較爲士以上車
毛傳確不可易賈氏攷工疏云天子與其臣乘重較
之車諸侯不重較故有三尺之較或可服君誤說其
謬又甚於慎修矣至其後面乃空然無物惟有一軫
木在下拒其底板据襄二十四年晉張骼輔櫟致楚
師皆踞轉而鼓琴服君注轉軫也杜注轉衣裝計軌無稽不可從計軌
三面不可踞所踞必在後軫此軫若如慎修說底板
嵌入軫槽成方箱狀是輶之後端齊軫與兩廂同軫

都入箱中前無餘地則髀蹠踞處自然亦在箱中琴之長三尺六寸六分稍之廣除軫所占不過六尺兩人並橫琴於膝其地如何安兩琴以此推之可見箱之後端至軫卽盡軫在外橫拒底板其面寬四寸一分故人可踞其上兩邊又空故可以橫琴尾惟其抵箱一面亦必爲槽以受底板之入而固之此箱外四面可以會通實驗而知者也四面旣明然後可詳與制車箱止有前左右三面則轎式所樹之範自然亦止有三面故注以軌爲輿下三面材疏云此木下及兩旁見面上面託著輿板不見故云三面材失之輿

居兩輪上亭亭正中故謂之正軌持此正故謂之任
正者正字雖有直義而經非以任正與下衡任爲一
縱一橫對文也後人誤執爲對文乃棄明白注義別
求車上橫直之物當之所言皆似細按之實無一確
何者注云軌法也卽範圍本字古作軌以故書或作
軌許君止取此爲正借作範軌乃犯軌本字範乃
爲凡曰範曰模曰型者皆自立規式使彼受制而不
過之名若軌止是三面一匡其爲範也不見且箱之
兩頭前必不盡前軌之邊後必不盡後軫之邊若無
定限則軌前隧深無準軌長之數難取準矣今按任

正者十分軌長以其一分尺四寸四分爲圍圍非等
方三寸六分也令兩邊厚一寸四分兩面廣五寸八
分其向內之厚畱其下半七分刻其上半七分其廣
一寸二分爲偏槽當前者槽長五尺四寸四分當兩
旁者長四尺二寸八分三面合之其槽成騎式及底
受制之範乃軌之所以名也箱之底必用橫板始克
受其下伏兔及軌之直木相承而兩頭著槽始有力
其板之厚亦一寸四分兩頭畱其上半之厚刻其下
半七分廣亦一寸二分爲偏筍合底時軌之下半與
板之上半合卽上下齊平也其板各於一邊中爲槽

一、邊中爲筭令諸板互相銜納，惟最後一板入於軫以軫先有槽也。最前一板當槽不槽而爲偏筭，廣厚如兩頭以須與軌合也。其板背正中及兩旁量伏兔當兔所承處鑿之，深四分，寬三寸六分，長一尺四寸六分六釐，以受伏兔。當兔之鉤，車人所謂鑿其鉤法，蓋大小車相同。康成易注以伏兔爲鉤心之木，所鉤者謂此其式較之柱正方，凡六大小各視其圍長各視其崇，向內一邊畱四分外爲鑿，以受軹轡橫者之柄。軹轡之材亦正方式較上木，正圓其下視軹轡之方，方之正中爲鑿，以受軹轡植者之柄。式木用一木。

爲之則善且堅其折向兩旁處揉曲令成圓角慎修說揉兩木自旁交於前計此長八尺餘一木揉之非難可無庸兩交也其兩端爲柄以入於較之前柱較木兩端亦揉曲向下以與柱銜接而鉋其前柱自式以上之外廉以揉式推之知不欲觸礙人手同也其較之柱上於軌三尺加一橫梁大如柱上下差互爲鑿一以令軹之植者不至太長勢易危檠一以與較木配令柱上下牽倚得力一以令外闌橫閒之木有所交附非此卽內焉以方寸許之兩柱一較函一寬幾三尺高過五尺之窗外焉長狹一闌上插諸兵器

而止賴兩橫木牽之其勢殆不可終日矣軌連板儘外爲鑿通於背廣長如軹輶之半則受軹者向內有八分不鑿受輶者向內有九分許不鑿也合軹輶時以橫者一下貼板一上貼式較令櫺孔分明則板受軹輶鉗制而不能上動矣其受較柱之鑿內畱四分外侵四分二釐強受式柱之鑿內畱四分外侵一寸三釐強較柱受橫梁之鑿亦內畱四分則合材時諸枘皆是偏筭缺邊向內而箱內三壁皆齊平無觸礙手處棧車以席蔽之飾車以革鞵之當皆在內如以紙糊窗然亦皆無不貼切處而車輿成矣經云圓者

中規謂式較木也方者中矩謂軹轡木也皆治材之善也立者中縣謂軹轡植者及式較之柱也衡者中水謂式較木及軹轡橫者也直者如生謂全箱也總者如附謂外闌也皆居材之善也居材大與小無并大倚小則推引之則絕謂以軹轡之小交式較及梁柱之大宜鑿內相應不使偏斜相就反之則有推絕之病也引之人援引之注言用力人憑倚用力也棧車欲弇飾車欲侈蓋言轡也棧車不革鞅轡須格孔收密始固是弇也飾車革鞅其格孔可畧張大是侈也本疏云弇向內侈向外孔氏成二年疏云弇者上

狹下闊慎修優孔氏說以就所謂雌雄筭者得上下
侈斂要皆於理勢不合大抵古人創物必順其自然
之理勢以爲體而其用因之出焉如車箱後面空虛
兩柱上宜加一橫木牽綴始固今旣以人登下由此
不能以橫木礙之則兩較壁立高過五尺於其行必
有戰抗不安之勢古人知其然也乃於外爲高三尺
之闌以牽綴之使相扶相倚無稍偏弱旣善其體又
善其用皆理勢之自然惟知者能順之耳夫但使兩
較壁立猶爲不可况又可令眾材斜迤乎亦未之深
思焉矣輿制明然後可詳置輿之法輿之安固全恃

輈與伏兔在軸上承之伏兔之長注以經文自伏兔
不至軌七寸推知如式之深是其長一尺四寸六分
強適居三分隧中間一分自度軸以下剡作半規徑
二寸二分以銜軸之半徑不可以言圍也經故以輈
之當兔互明之云十分其輈之長以其一爲當兔之
圍謂之當兔知輈對伏兔處同伏兔之長者其圍乃
如此大餘則小矣圍居輈長十之一則一尺四寸四
分者四面等方三寸六分又有筋膠之被約厚一分
上下加二分則三寸八分以四分鉤底心承輈尙有
三寸四分在軸上此一截前後當剡下四分前盡軌

後盡軫並與輿底平其承輿乃如一以當兔準伏兔其鉤底心者亦四分外亦三寸四分在軸上與當兔同則知其寬三寸六分亦應與當兔同也說文轆伏兔下革也知伏兔下有革藉之不令木與木相摩當兔應亦不異革之厚約一分則當兔伏兔自鉤心外至軸上高三寸五分軸徑以密率算其半徑二寸一分加之高五寸六分軫與軌厚同一寸四分又加之共七寸是爲輪半崇三尺三寸之上加軫與轆得七寸通爲軫高四尺也伏兔半規下芸臺謂更有二長足稍鋏其軸而夾鉤之鉤軸後又有革以固之按康

成易注以伏兔爲縛木輿下與軸相連說文亦曰縛車下縛也阮說縛兔之足良合鑿軸夾鉤或亦當然也轂半徑於密率高五寸九釐八絲較軸半徑及伏兔之高五寸六分尙少五分一釐強此五分零空地足容轂入輿下之轉不致與輿底相礙如此輿底有伏兔當兔三處鉤其心又有當兔之前後平承之則輿可以安固不動無前後左右之出入矣

輪輿私箋卷第二終

輪輿圖序

家大人以丁巳歲閏夏秋成此輪輿箋其時脫稿一紙輒舉以示知同讀之同苦昧算術亦未首末通詳多不得解僅識其形製大畧而已今年春夏逐日課錄大人經說小學諸稿副本以備兵燹茲編錄竟爰周詳布算頗盡厥旨稿中偶有度數尺寸涉筆誤者並已是正無譌竊以鄭註之精微自賈疏以來不得正解遂如墮雲霧說者日益支蔓得此箋而鄭義瞭若指掌更不患其制不明然語繁數複猶易眩惑心目如再得圖以實之使讀者按圖以求其說似尤簡易省力遂不自揣為蛇足繪輪輿諸圖敢敬附之編末亦取便已嘗披讀焉辛酉七月既望男


知同敬書

牙圍圖

牙圍四合面長一尺一寸

此牙上旁兩面圓七寸三分三釐不盡數

牙厚三寸五分



此牙下旁兩面圓七寸三分三釐不盡數

轂輻牙合材圖

軸末徑與轂同

轂內轂牙合材圖

轂內轂牙合材圖
不盡

轂外長一尺九寸

般長三尺三寸

● 中国书画函授大学

西華輪船徑

股闊四寸
分廣三寸五
分厚七分

自此至下起殺
得一尺六寸五分

自六十年代起，每年在國外工作，不計其數。

軀身除齒八長二尺一寸七分五釐

不。國本不無中。

自此散至八牙處
各散於船長三分
居一得八十二分五
毫餘至八牙處去
船廣千四分

六兒六膝力不
牙休面上早有

自上海來而西
直下至此山牙
外六分猶大
不盡
牙鑲深重
厚通於牙不
滿其齒
爪之兩旁較
趾居六分去
大

車輿合軫與任正者及受底板圖

前後正者長六尺六寸闊四尺四寸四分
 後厚一寸四分在四角處闊四寸八分

左右正者長五尺七寸闊四尺二寸
 為後板受底板

底板長五尺二寸四分
 闊四尺二寸四分
 其下半六寸長五尺二寸
 分四角處闊四寸四分
 之板長四尺二寸四分

此正者闊四尺二寸四分
 其下半六寸長五尺二寸
 分四角處闊四寸四分


左右為後板受底板
 左右除兩端共長四尺二寸
 八分所板前板後板一寸二分合
 四尺四寸為後板受底板
 其為後板

左右正者長五尺七寸六分闊四尺二寸四分


卷附錄

此正者長六尺六寸闊四尺四寸四分
 其下半六寸長五尺二寸四分

與底為鑿受當伏兔鉤心圖



車輿全圖



朝合衡度數圖

卷之十

上西伏光四出
 止二十二分之二
 四分之二
 右位三十一分之二
 右位三十一分之二

萬方形
 金正四尺四寸
 光 普

金正四尺四寸

金正四尺四寸
 金正四尺四寸
 金正四尺四寸
 金正四尺四寸

金正四尺四寸
 金正四尺四寸
 金正四尺四寸
 金正四尺四寸

中曲

國語彙編卷之四

附錄

衡西器作半月形曰衡字亦作鉤又曰觀俗
 作鉤字亦作鉤也地地別為而末鉤之缺月
 為時來貼焉數而為有孔以貫縣較今
 焉得致乃


衡長六尺六寸方徑
 三寸三分

紅伯幹

國制十



國馬之輜圖



衡高軌平四尺七寸為句

牛耳高

馬頸高八尺


衡高軌平四尺七寸為句


●

六十四

衡高軹平四尺為句
馬頸高七尺

駕馬之輶圖





輪輿圖終